

漢

書

辨

疑

漢書辨疑卷十三

嘉定錢大昭晦之甫學

郊祀志上

揖五瑞 尚書作輯史記及魏脩孔子廟碑竝作揖古字通

故作畦時櫟陽而祀白帝 太康地理志云時在櫟陽故城內其時若畦故爲畦時此司馬貞說也較顏注爲優昔文公出臘 臘南雍本閩本皆作獵

來僊人羨門之屬 來南雍本閩本皆作求

蚩尤在東平陸監鄉齊之西竟也 案續漢志東平陸有

闕亭劉昭曰左傳桓十一年會于闕杜預曰在須昌縣

東南有闕城博物記云卽此亭是也大昭案監與闕古  
字通齊太公世家監止有寵焉索隱云左氏監作闕田  
齊世家亦作監止東平陸與東郡之壽良接壤故地理  
志蚩尤祠在壽良

最居齊東北陽 陽史記作隅

元尙羨門高 元史記作充

而刻勒始皇所立石書旁 刻字闕本作胡亥二字

諸侯疾秦焚詩書 闕本秦下有皇字

唯雍四時上帝爲尊 時南雍本闕本竝作時

秋涸凍冬賽祠 賽闕本作塞塞古賽字

故常以十月上宿郊見李奇曰上宿上齋戒也 闕本上

齋戒作月上旬閩本是

通權火張晏曰權火煑火也如淳曰權舉也師古從如說  
惠士奇曰郊見通權火蓋燔柴之遺法甘泉賦欽柴  
宗祈燎熏皇天舉浩顛樹靈旗樵蒸焜上配黎四施東  
燭滄海西耀流沙北熿幽都南煬丹厓所謂通權火也  
惠說是張如顏三說皆非是

祠天地天社天水房中當上之屬 當上史記作堂上南  
雍本閩本與史記同下云荆巫祠堂則梁巫祠堂上矣  
其令天下立靈星祠 詩絲衣序云高子曰靈星之尸也  
未知卽此靈星與否

以郊見渭陽五帝五帝廟臨渭 閩本不重五帝二字

樂成侯登

史記無登字徐廣曰姓丁名義

鴻漸于般

今本周易作磐案屯初九磐桓利居貞隸釋

仲秋下旬碑作般桓知磐字古作般也

鼎宜視宗禰廣滅於帝庭 廣南雍本閩本作廟蓋其字

本作廡而譌爲廣耳廡古文廟字

黃帝得寶鼎冕候 冕候史記作宛胸

有星孛於三能 樂記注云古以能爲三台字王莽傳云

三能文馬

郊祀志下

封則天旱乾封三年 旱閩本作下

登禮濤之天柱山號曰南嶽 初學記引盛宏之荊州記

云衡山者五嶽之南嶽也其來尚矣至於軒轅乃以潛  
霍之山爲副焉故爾雅曰霍山爲南嶽蓋因其副焉至  
漢武南巡又以衡山遼遠道隔江漢於是乃徙南嶽之  
祭於廬江潛縣亦承軒轅副義也案白虎通德論及說  
文解字諸書皆以霍山爲南嶽蓋就漢制言之爾雅霍  
山爲南嶽之文亦是漢人附益至霍山爲副之說竝無  
證據不足信矣應劭風俗通義乃謂衡山一名霍山牽  
合漢制以傅會經義失之遠甚

濟南人公玉帶 漢韓勅碑陰有公玉虎楊震碑陰有勅  
海公玉子舉

井幹樓高五十丈師古曰幹或作韓 案作韓者是說文

韓井垣也从韋取共巾也韋聲

禪凡山 五帝本紀東至于海登丸山徐廣曰丸一作凡  
裴駮按地理志丸山在琅邪朱虛縣索隱作凡音扶嚴  
反正義音和括地志丸山卽丹山在青州臨朐縣界朱  
虛故縣西北二十里據此則丸凡卽是一山其字當爲  
丸矣

雍縣無雲如靄者三 如讀與而同

東嶽泰山於博 博泰山縣

中嶽秦室於嵩高 嵩高潁川縣

南嶽潛山於潛 潛山天柱山也亦謂之霍山爾雅大山  
宮小山霍天柱中峯小四面有大山以環繞之宮之象

也故謂之霍瀛廬江縣

西嶽華山於華陰 華陰京兆縣西嶽華山廟碑云孝武皇帝脩封禪之禮思登遐之道巡省五嶽祀豐備故立宮其下宮曰集靈宮殿曰存僊殿門曰望僊門中宗之世重使使者持節祀焉歲一禱而三祠

大王建國於邽梁 說文邽周大王所封在右扶風美陽中水鄉或作岐因岐山以名之

博問者老意舊減與 意讀與抑同

長一寸所 所猶許也許所古字通小雅伐木許許說文引作伐木所所又疏廣傳數問其家金尙有幾所顏監曰幾所猶言幾許



今行常幸長安 閩本無行字

遣候者乘一乘傳馳詣行在所 閩本南雍本無乘一兩

字

不可或以神恠 或古惑字下放此

是故每奉其禮 奉南雍本閩本俱作舉

盡復前世所常興諸神祠官 閩本無諸字

後平伏誅 閩本伏下有詐字

始立秦一祠于甘泉二歲一郊 二歲南雍本閩本作三

歲

周官天墜之祀 說文籒文地从隊从土淮南子墜形訓

亦用籒文

海廣大無限界 闕本廣大下有而字

北方帝顓頊黑靈元冥時及月廟雨師廟辰星北宿北宮  
于北郊兆奏可劉原父曰兆奏兆字衍 按周禮春官  
小宗伯兆五帝于四郊注云兆爲壇之營域說文兆畔  
也爲四時界祭其中言月廟雨師廟之屬皆在北郊營  
域之中與上文未墜兆東郊兆西郊兆南郊兆同皆于  
兆字斷句劉氏乃于郊字斷句而謂兆字衍文誤矣

起八風臺於宮中臺成萬金作樂其上順風作湯液 惠  
士奇曰按內經黃帝問曰上古聖人作湯液醪醴爲而  
不用何也岐伯曰古聖人之作湯液醪醴者以爲備耳  
故爲而弗服也中古之世道德稍衰邪氣時至服之萬

全當今之世必齊毒藥攻其中鏡石鍼艾治其外形弊  
血虛而功不立然則古之治病未有毒藥鍼石先有湯  
液醪醴故謂之醫一天二地三人四時五音六律七星  
八風九野身形亦應之人出入氣應風順風作湯液者  
時則訓所謂服八風水也故王莽起八風臺作樂其上  
說者謂八方之風朝會太乙豈其然

言此黃帝穀僊之術也 李少君之穀道疑卽此也李奇  
以爲辟穀不食之道非是

自天地六宗以下至諸小鬼神凡千七百所 案志中所  
載鬼神名目悉數之不能終漢自孝武信方士之術所  
祠神靈繫空無據者多新莽末年媚神尤甚卒以敗亡

非所謂淫祀無福者邪今攷地理志所載得三百八十九所謹瀘列如左

虎侯山祠 在京兆藍田

太華山祠 在華陰

周天子祠二所 在湖

周右將軍杜主祠四所 在杜陵志云杜主五祠後置

其一故云四所

天齊公五牀山僊人五帝祠四所 在馮翊谷口此天

齊公又是一神也八神中之天齊淵水在臨菑

河水祠 在臨晉

休屠金人及徑路神祠三所 在雲陽

越巫媿郝祠三所 在雲陽媿當作姑

沂水祠 在扶風郁夷

五時 在雍

太昊黃帝以下祠三百三所 在雍

黃帝子祠 在隰廩

上公明星黃帝孫舜妻盲豕祠 在陳倉

黃帝子周文武祠 在虢

垂山斜水雍水祠三所 在武功

天子廟 在河東大陽

堯山首山祠 在蒲反

延壽城僊人祠 在河南緱氏

沛廟 在東郡臨邑

蚩尤祠 在壽良

太室少室山廟 在潁川密高

天柱山祠 在廬江濤

恆山祠 在常山上曲陽

泰山廟 在泰山博

亭亭山祠 在鉅平

蒙山祠 在蒙陰

蓬山祠 在齊郡臨朐

之罘山祠 在東萊腫

萊山松林萊君祠 在黃

海水祠 在臨朐

參山萬里沙祠 在曲成

百支萊王祠 在轘

成山日祠 在不夜

太一僊人祠九所 在琅邪不其

三山五帝祠 在朱虛

四時祠 在琅邪

萊山萊王祠 在長廣

環山祠 在昌

江海會祠 在臨淮海陵

春申君祠 在會稽無錫

黑水祠 在益州滇池

昆崙山祠 在金城臨羌

端旬祠十五所 在安定朝那

湫淵祠 在朝那

五龍山帝原水黃帝祠四所 在上郡膚施

天封苑火井祠 在西河鴻門

天室山祠 在膠東卽墨

三戶山祠 在下密

江水祠 在廣陵江都

天文志

注孟康曰皆日旁氣也 皆閩本作暈



注凡氣食日上爲冠爲戴 食日二字誤南雍本閩本作  
在日

北斗七星 七星之名酉陽雜俎所載與運斗樞不同第  
一名執陰第二名執諧第三名視全第四名拒理第五  
名防許第六名開寶第七名招搖不知段氏何據

所謂璇璣玉衡以齊七政杓攜龍角衡殷南斗魁枕參首  
徐廣孟康注史漢俱以杓爲斗七星衡爲斗四星魁  
爲斗一星其說最明運斗樞乃以一至四爲魁五至七  
爲杓則衡轉無屬其說非是

曰文昌宮 潛夫論云文昌貪功司命舉過觀惡深淺稱  
罪降罰

房心心爲明堂 後漢書郎顛傳云房心者天帝明堂布

政之宮

旁有兩星曰衿 衿元命包作鉤鈐案志又云其後熒惑

守房之鉤鈐鉤鈐天子之御也則此疑亦當爲鈎鈐

火犯守角則有棧房心王者惡之 棧閩本作戰火熒惑

也熒惑犯守箕尾氏白生芒角則有兵戰之事若熒惑

犯守房心及房心白生芒角則王者惡之也

廷藩西有隨星四名曰少微 廷太微三光之廷藩筐衛

十二星也隨讀與墮同

畢曰罕車爲邊兵主弋獵 說文畢田罔也从畢象畢形

後漢書蘇竟傳云畢爲天網主網羅無道之君故武王

將伐紂上祭于畢求助天也

下有三星銳曰罰 後漢書郎顛傳云罰者白虎其宿主兵其國趙魏

又曰祆星不出三年 祆俗作妖三閩本作五

熒惑爲亂爲成 成南雍本閩本及天官書竝作賊

國得土不迺得女子 不迺得女子者不得土迺得女子也下云不迺失女者不失土迺失女也

房心豫州尾箕幽州 後漢書蘇竟傳云房心卽宋之分東海是也尾爲燕分漁陽是也

夏氏日月傳 夏氏不知何時人藝文志無此書

共下止地類狗所墜 共南雍本閩本皆作其

格澤者如炎火之狀 閩本無如字司馬相如大人賦云

建格澤之脩竿兮

注李奇曰怒當首帑 首南雍本閩本竝作言

去極遠近難知要以晷景 易通卦驗云冬至人主不出  
宮寢兵從樂五日擊黃鐘之磬公卿大夫列士之意得  
則陰陽之晷如度數夏至之日如冬至之禮冬至之日  
置八神樹八尺之表日中視其晷晷如度者其歲美人  
民和順晷不如度者則歲惡人民多譎言政令爲之不  
平晷進則水晷退則旱進一尺則日食退一尺則月食  
月食則正臣下之行日食則正人主之道晷進爲盈晷  
退爲縮冬至晷長一丈三尺小寒晷長一丈二尺四分

大寒暑長一丈一尺八分立春暑長一丈一尺六分雨水暑長九尺一寸六分驚蟄暑長八尺二寸春分暑長七尺二寸四分清明暑長六尺二寸八分穀雨暑長五尺三寸六分立夏暑長四尺三寸六分小滿暑長三尺四寸芒種暑長二尺四寸四分夏至暑長一尺四寸八分小暑暑長二尺四寸四分大暑暑長三尺四寸立秋暑長四尺三寸六分處暑暑長五尺三寸二分白露暑長六尺二寸八分秋分暑長七尺二寸四分寒露暑長八尺二寸霜降暑長九尺一寸六分立冬暑長一丈一寸二分小雪暑長一丈一尺八分大雪暑長一丈二尺四分

晷過而長爲常寒 過荀紀作進

月有九行者 尚書考靈耀云萬世不失九道 謀鄭注引  
河圖帝覽嬉與天文志正合 廣雅云立春春分東從青  
道二出黃道東交于房二度中立夏夏至南從赤道二  
出黃道南交于七星四度中立秋秋分西從白道二出  
黃道西交于胃十二度中立冬冬至北從黑道二出黃  
道北交于虛二度中四季之月還從黃道

食至日跌爲疾 跌至脯爲黍 南雍本跌皆作跌 疾作稷  
故客謂張耳曰東并秦地 并南雍本閩本作并  
在鶩鱗且去益小 且南雍本閩本作且

且去時大如桃 且閩本作且

占曰爲白衣之會非秦也 非南雍本闕本作井

有星孛於注張

注卽柳也爾雅釋天味謂之柳律書云

注者言萬物之始衰陽氣下注故曰注索隱曰注味也

天官書云柳爲鳥注主木草

元封中星孛于河戍占曰南戍爲越門北戍爲胡門 三

史拾遺曰河戍南戍北戍皆戍字之譌東井西曲星曰

戍戍北三星爲北河南三星爲南河所謂南戍北戍也

史記天官書朝鮮之拔星弗于河戒蓋亦戍字俗儒不

通六書譌寫爲戒僧一行因有兩戒之說謂天下山河

之象存乎兩戒且引星傳北戒爲胡門南戒爲越門之

文不知爲戍之譌也

星孛于招搖傳曰、搖字下南雍本闕本俱有星字

東北往數日至往疾去遲 往闕本作住

河平二年十月 前已云河平元年矣此河平二字疑衍

東方有赤色大三四圍 闕本赤下有白字

王氏之興萌于成帝 南雍本闕本帝下有時字

五行志上

則陰氣協木木先寒 協南雍本闕本作脅

劉向以爲齊桓好色聽女口 左氏傳齊侯好內服虔曰

內婦言也

故致太災 太南雍本闕本作大

釐公二十年五月己酉西宮災 左氏作乙巳南雍本闕



本與左氏同

左氏以爲西宮者公宮也 左傳無此文是左氏說

言宮舉區皆災也 區閩本作國

成居喪亡哀戚心數興兵戰伐 心閩本作宜予謂心下

脫宣字

陳畚耜 耜左氏作掘

妃以五陳 陳左氏作成南雍本閩本與左氏同下文亦云故曰妃以五成

鳳誣章以大逆尋下獄死 舉閩本作章

皇后年六歲而立十三年而昭帝崩 外戚傳皇后立十歲而昭帝崩后年十四五云此十三年疑當作十年三

字衍

闕法令所從出也 南雍本闕本闕上有門字

又辰后起于微賤與趙氏同 同字下南雍本闕本皆有

應字

不成者賤及爲變怪 及闕本作乃

共殺威公嚴釋父讎 威闕本作桓上文桓字五見此處

不應獨作威闕本是

五行志中之上

左氏使桓公十三年 使南雍本闕本皆作傳

成肅公受賑于社 賑當作賑

朝有著定 著通作宁門屏之間也周語云大夫士日恪

位著以倣其官釋名宁宁也將見君所宁立之處也

注鄭公子士及堵俞滿 士下南雍本闕本有洩字

注高九尺鐵爲卷 尺南雍本闕本作寸

又見大白狗冠方山冠而無尾 昌邑王傳云嘗見白犬

高三尺無頭其頸以下似人而冠方山冠

不敬而備審之所致也 服虔音審爲人備審本此

晉爲溴梁之會 闕本晉下有侯字

二卿而五大夫 二闕本作三

趙孟曰天平 天宋板左氏傳作天

昊天不弔 吳南雍本闕本作旻注同

秦伯使遂來聘 遂西乞術也術遂古字通

還過枳道 枳道卽軹道

檝高后掖師古曰檝謂拘持之 說文搨鞞持也拘當作

搨

推其服以爲人彘 服當作眼南雍本岡本不誤

京房易傳曰復崩來無咎 陸德明易釋文云朋京房本

作崩

後三世周致德祚於秦 陳景雲曰後三世謂顯王之世

也致德祚謂顯王九年致文武胙于秦也以胙爲祚傳

寫失之晉說非

五行志中之下

羊上角下號 號南雍本作號

於易五爲天位爲君位 閩本無下爲字

山陽棗茅鄉社有大槐樹 杜預曰茅鄉在高平昌邑縣

西

與諸呂同眾 眾南雍本閩本作象

而桓有妒媚之心 媚閩本作媚

四月乙亥朔御史大夫朱博爲丞相 公卿表作乙未

少府趙元爲御史大夫 公卿表元田中尉遷非少府也

五行志下之上

則區霜無識師古曰區音口豆反 案區霜卽備霜

王心弗哉 哉閩本作殘說文殘殺也从戈今聲徐鉉音

口含切郭注爾雅引書西伯堪黎堪殘同

是歲二川竭 二閩本作三

陳閔公使使問仲尼 魯語作陳惠公韋昭曰惠公陳哀公之孫悼太子之子也

遂自賢聖 賢聖閩本作聖賢

正月民驚走持橐 閩本作五月

聚會里巷仟伯設祭張博具 仟伯卽阡陌也閩本無祭字

五行志下之下

史記日食或言朔而實非朔 日南雍本閩本作日

襄公十五年八月丁巳日有食之 丁巳下閩本有朔字  
文帝三年十月丁酉晦日有食之在斗二十三度 閩本

作二十二度

景帝 案景帝四年十月戊戌晦日有食之中四年十月  
戊午日有食之皆見本紀志大載

書曰乃用其婦人之言 此牧誓文也志及谷永傳注師  
古竝以爲泰誓疑誤

皆字星炎之所及 炎與燄同後流炎芒炎放此  
卷中凡春秋十二公又凡漢著紀十二世又成帝建始  
元年閩本皆不提行

漢書辨疑卷十三終

漢書辨疑卷十四

嘉定錢大昕晦之甫學

地理志上

隨山栞木

栞今作刊借用耳說文栞槎識也夏書曰隨

山栞木栞篆文

中繇木條

說文中艸木初生也古文或以爲艸字繇說

文作繇云艸盛見

浮于汶達于沛

案上文兗州下文揚州達皆作通此疑

亦當作通

滎波既豬

波史記作播皆借用字說文滎水名在河南

滎陽禹貢滎潘同稱卽此潘矣



岷嶓既藝 岷閩本作嶓注同下文嶓山皆作嶓閩本是

又東至于荷 荷當依說文作荷

二百里納銍 納南雍本閩本作內上下文皆爲內此納

字誤

京兆尹 平帝紀元始四年分京師置前輝光後丞烈二郡

長安 本名咸陽秦所都水北曰陽其地在渭水之北

戶八萬八百口二十四萬六千二百 縣之戶口兼書者

惟京兆之長安馮翊之長陵扶風之茂陵潁川之陽翟

僞陵五縣耳書戶不書口者惟河南之雒陽南陽之宛

蜀郡之成都魯國之魯楚國之彭城五縣其他俱不書

戶口

新豐高祖七年置 史記本紀作十年置非也新豐爲太上皇而設漢之十年太上皇已崩矣

華陰 續志屬恆農

太華山在南有祠豫州山 禹貢山川及職方山鎮巨浸 藪澤志特標明之

鄭 說文鄭周厲王子友所封宗周之滅鄭徙滑洧之上 今新鄭是也

湖 後漢屬恆農劉昭曰前志有鼎湖

故曰胡武帝建元年更名湖 建元下脫一字太平寰宇 記作建元元年

下邳 隴西有上邳故此云下

南陵沂水出藍田谷北至霸陵入霸水 據說文及水經

注考之是滄水也師古音沂爲先厯反未之攷耳

奉明宣帝置 史皇孫奉明園在此縣本名廣明元康元年改

杜陵故杜伯國 杜伯事見墨子

左馮翊衙 漢者頡頏碑作衙

粟邑 薛宣傳云縣小僻在山中

鄜 說文鄜左馮翊縣从邑廢聲俗作鄜非是

頻陽秦厲公置 厲當作共薛宣傳云北當上郡西河爲

數郡湊

臨晉芮鄉故芮國 通典同州馮翊縣古芮國

沈陽 據水經注當作汭陽

襄德荆山下有彊梁原 王念孫曰彊梁當作荆渠

長陵 續志屬京兆

陽陵 續志屬京兆

雲陽有越巫貼鄴祠三所 三史拾遺曰貼廣韻作貼从  
卯从卵皆無意義當是姑之譌說文辜皐也古文作姑  
周禮大宗伯以騶辜祭四方百物鄭司農云披磔牲以  
祭若今時磔狗祭以止風姑鄴蓋騶辜之遺制與說文  
白部又有帖字訓爲枯音義亦近

右扶風高帝二年更爲中地郡九年罷 案公卿表高帝

十年尙有中地守宜義疑非九年罷也

槐里有黃山宮 西京賦云繞黃山而款牛首

鄠古國有扈谷亭 亭上脫甘字說文扈夏后同姓所封  
戰于甘者在鄠有扈谷甘亭水經渭水注云甘水又北  
逕甘亭西昔夏啓伐有扈作誓于此亭是鄠與扈同故  
云古國也

鄠水出東南 說文鄠周文王所都在京兆杜陵西南通  
典鄠今京兆府長安縣西北靈鄉豐水上

又有滹水皆北過上林苑入渭 說文滹水出扶風鄠北  
人渭與此相符則滹當作滹矣說文又有滹字注云水  
名在京兆杜陵此別是一水非入渭之水也

釐周后稷所封 說文部炎帝之後姜姓所封周棄外家  
國右扶風釐縣是也部釐古字通左傳魏駘芮畢岐又  
作駘亦段借用之

美陽中水鄉 說文邽周大王所封在右扶風美陽中水  
鄉水經注岐水歷周原下北則中水鄉成周聚水北卽  
岐山

郡 郡縣志云本秦縣今縣東二十五里有故城今縣周  
天和元年築縣在渭水南一里縣治城南當斜谷

入蒙籠渠 籠當作龍

雍秦惠公都之 惠當作惠史記秦本紀德公元年初居  
雍城大鄭宮水經注亦云德公

大昊黃帝以下祠三百三所 郊祀志雍舊祠二百三所  
此三字誤應爲二百

漆水在縣西 說文漆水出右扶風杜陵岐山東入渭案  
徐廣及十三州志並云出杜陽岐山山海經云隤次之  
山漆水出焉水經云出杜陽兪山隤兪同字則兪山疑  
岐山旁之小山矣叔重以爲杜陵杜陵在京兆非扶風  
顯係傳寫之誤

汧吳山在西 封禪書有吳岳徐廣曰在汧

汧水出西北入渭 水經注渭水東與楚水合世所謂長  
蛇水出汧縣之數厯山南流注于渭闕駟以爲汧水焉  
芻水出西北東入涇 周禮職方雍州其川涇汧郡縣志

涇州長原縣有涇水一名宜祿川西自隴州華亭縣流入

安陵 關駟以爲本周之程邑案程與郢同文王卒于畢郢是其地矣

茂陵武帝置 水經渭水注云茂陵縣武帝建元二年置地理志曰宣帝縣焉今作武帝置或後人因水經注追改邪

武功大壹山古文以爲終南 左傳昭四年作中南案張平子西京賦終南太一隆喇崔崒潘岳西征賦九峻嶷薛太一崩從面終南而背雲陽跨平原而連嶧冢則終南太一不得謂之一山李善曰終南南山之總名太一



一山之別號其說差近

至南鄭入沔 至上應有南字

有垂山斜水淮水祠 淮疑當作雍

莽曰新光 案莽傳云以武功縣爲安漢公采地名曰洪  
光邑其後莽改國號爲新故爲新光

宏農郡宏農衙山領下谷 衙山領郡國志注作衡領非  
盧氏熊耳山在東伊水出 出上當有所字

又有育水南至順陽入沔 育水亦謂之均水水經均水  
出析縣北山南入于沔注云均水發原盧氏縣熊耳山  
縣卽析縣之北鄉故言出析縣之北山下文丹水東至  
析入鈞鈞卽育水也

陝西號在雍州。州字衍左氏傳隱元年鄭人以虢師伐  
蒲杜注虢西號也宏農陝縣東南有號城

丹水 續志屬南陽

新安 本紀元鼎三年冬徙函谷關于新安以故關爲宏  
農縣

商 續志屬京兆

析 續志屬南陽

上雒 續志屬京兆

河東郡秦置 案河東魏豹地漢二年虜豹始置薛宣傳  
云拜河東都尉趙護爲廣漢太守今此郡諸縣不言有  
都尉治或是關文河南河內河東皆屬司隸謂之三河

水經新考卷之四 一之 駁斗齋叢書  
丞相遺史刺之故田叔傳云使刺三河也此郡當云屬  
司隸

縣二十四 尹翁歸傳云河東二十八縣分爲兩部閩孺  
部汾北翁歸部汾南今云二十四蓋元始時縣數如此  
大陽吳山在西上有吳城 吳城郡國志作虞城吳虞古  
字通

左邑莽曰兆亭 水經注作洸亭

聞喜故曲沃武帝行過更名 武帝紀元鼎六年至左邑  
桐鄉開南越破以爲聞喜縣三國志高貴鄉公詔曰漢  
孝武元鼎中改桐鄉爲聞喜新鄉爲獲嘉以著南越之  
亡據此是武帝以左邑之桐鄉特置此縣非改曲沃縣

爲聞喜也

平陽 平陽之封至後漢猶未絕也疑脫侯國二字

襄陵有班氏香亭 水經注汾水又南歷襄陵縣故城西

晉大夫卻犇之邑也故其地有犇氏鄉亭矣據此則班當爲犇香當爲鄉

騏侯國 駒幾所封表注北屈疑北屈分置

太原郡秦置 秦本紀莊襄王四年初置太原郡始皇本紀八年又以河西太原郡更爲毒國漢初屬西魏二年虜魏豹始置

有家馬官 案百官表太僕屬官已有家馬太原復有之又

又在邊郡六牧師苑之外矣

龍山在西北有鹽官晉水所出東入汾 案太原郡下已  
有鹽官在晉陽此處有鹽官三字衍文水經汾水過晉  
陽縣東晉水從縣南東流注之

汾陽北山汾水所出南至汾陰入河 案山海經云管涔  
之山汾水出焉水經云汾水出汾縣北管涔山西至汾  
陰縣北西入于河然則北山卽管涔山矣

大陵 史記衛綰傳云綰代大陵人知故屬代郡

原平 續志屬雁門

上艾 續志屬常山

廣武 續志屬雁門

河主賈犀山在北 本志鴈門郡句注山在陰館廣武與

陰館毗連故載之婁敬傳是時漢兵以踰句注夏侯嬰傳從擊胡騎句注北是也此作河主誤

上黨郡秦置 高帝二年定魏地置郡之屬縣無都尉治案杜業傳左遷上黨都尉

屯雷桑欽言絳水出西南東入海 海當作漳

余吾 續志無李賢曰余吾故城在今潞州屯雷縣西北沽大池谷清漳水所出 池當作巽古要字

高都莞谷丹水所出東南入沚水 據水經注當作絕水 閼本作絕

河內郡朝歌 劉昭曰前書注云鹿臺在城中今本脫

隆慮國水東北至信成 水經洹水出上黨沚氏縣東過

漢書地理志卷十四  
隆慮縣北據此則國當作洹

河南郡故秦三川郡 秦本紀莊襄王二年初置三川郡  
其後李由爲三川守司馬貞曰地有伊洛河故曰三川  
莽曰保忠信鄉 莽曰上脫口數鄉莽傳作卿

雜陽春秋昭公二十一年 當作三十二年

莽曰宜陽 莽傳作義陽

榮陽 王莽傳云以陳雷以西付祈隧祈隧故榮陽據此  
疑脫莽曰祈隧四字隧與隊同莽置六隊河南亦在其  
中是榮陽乃祈隊大夫治

假師莽曰師成 水經穀水注師成作師氏

中平有筦叔邑 當作有筦城故筦叔邑括地志鄆州管

城縣今州外城卽管國城叔鮮所封

河南故郟鄏地 國語晉文公定襄王于郟韋昭曰洛邑

王城之地也

穀成 續志屬東郡

密有大隗山澗水所出南至臨潁入潁 說文澗水出河

南密縣大隗山南入潁又有澗字云水出河南密縣東

入潁蓋說文重出此字水經注無澗水也

東郡秦置 秦始皇本紀二年初置東郡

縣二十二 史記信陵君傳秦使蒙驁攻魏拔二十城初

置東郡始皇本紀同是秦時領縣二十也

濮陽應劭曰濮水南入鉅野 據水經濟水注濮水南入



鉅野句係本注應劭曰三字疑衍

菴平 續志屬濟北國

東武陽 泰山有南武陽故此云東

禹治潔水 治當作貢

離狐 續志屬濟陰

須昌 續志屬東平國

壽良 續志屬東平國

蚩尤祠在西北 壽良縣西北卽東平陸監鄉

白馬 戴延之西征記云白馬故城衛之漕邑

南燕南燕國姑姓 下南燕二字疑誤當云故國羅泌曰

南燕伯魯伯儵園后稷妃南燕姑氏也今滑之胖城東

北漢南燕縣隨改曰胙

廩邱 續志屬濟陰

陳留郡陳留魯渠水首受狼湯渠東至陽夏入渦渠 渦  
說文作過云水受淮陽扶溝浪湯渠東入淮

寧陵 續志屬梁國

襄邑有服官 司馬彪輿服志云衣裳玉佩備章采乘輿  
刺史公侯九卿以下皆織成陳留襄邑獻之云

封邱澗渠水首受洧 闕駟曰首受別洧北洧也

長羅侯國 常惠所封李賢曰故城在今滑州匡城縣東  
北

馮 續志屬梁國

濟陽 卷一百一十一 漢斗游叢書

濟陽 孝景中六年封梁孝王子明為濟川王濟陽其國

都也

潁川郡秦置 始皇本紀十七年內史騰攻韓盡納其地

以其地為郡命曰潁川

昆陽 南陽魯陽有昆水東南至定陵入汝縣在昆水之

陽也

潁陽應劭曰潁水出陽城 案陽城山清水所出非潁水

也潁水出陽城之陽乾山

成安侯國也 郭忠所封也字衍

周承休侯國 姬延年所封姬嘉初封周子南君至初元

五年山君而進爵耳其地未之改也表注長社蓋析長

社置

元始二年更名鄒公 二當作四鄒當作邠說詳恩澤侯表

休音許虬反 休字上脫師古曰三字

汝南郡莽曰汝汾分爲賞都尉 三史拾遺曰案王莽傳有賞都大尹王欽則賞都乃郡名後人誤添尉字耳宜祿縣莽改曰賞都亭亦賞都爲郡名之一證

陽城侯國 平干頃王子劉田所封

潁強 潁說文作潁云水出潁川陽城少室山東入潁水經潁水出潁強縣南澤中東入潁注云潁水出潁川陽城縣少室山東流注于潁水而亂流東南經臨潁縣西

北小澗水出焉

女陽 女古汝字下女陰同

安成侯國 王崇所封

細陽 水經潁水注引地理志云細水出細陽東南入潁  
今無此文細說文作澗云水出汝南新蔡入潁

宜春侯國 王訢所封豫章亦有宜春續志汝南之宜春  
有北字

女陰故胡國 胡下當有子字

新息 息說文作卽云姬姓之國在淮北

濯陽 水經濯水出吳房縣西北與山東入汝注濯入澗  
澗入汝

弋陽侯國 任宮所封

歸德侯國 先賢揮所封

安昌侯國 張禹所封

安陽侯國 未詳何人封國攻王子侯表元朔三年封濟

北貞王子樂爲安陽侯傳至元孫亡後濟北封城不能  
至汝南且表中明注平原必非汝南之安陽矣

博陽侯國莽曰樂家 丙吉所封樂家水經注作樂嘉

成陽侯國 楚思王子眾所封

定陵高陵山汝水出 出上常有所字淮南子汝出猛山

注猛山一名高陵山在汝南定陵縣諸書惟淮南子注

與漢志合山海經則云汝水出天息山在梁勉鄉西南

人淮極西北一曰淮在期思北郭注云今汝水出南陽  
魯陽縣大孟山東北至河南梁縣東南經襄城潁川汝  
南至汝陰褒信縣入淮說文解字則云汝水出恆農盧  
氏還歸山東入淮水經與山海經同杜預釋例與郭注  
同皆與班志不合

南陽郡秦置 秦本紀昭襄王三十五年初置南陽郡  
宛戶四萬 閩本作四十萬誤

杜衍 續志無李賢曰杜衍故城在今鄧州南陽縣西南  
鄧侯國 蕭慶所封何曾孫

育陽 育水名說文作清

博山侯國故順陽 孔光所封表亦注順陽蓋哀帝改順

陽爲博山以封光國除之後仍爲順陽縣耳應劭以爲明帝改曰順陽誤矣

堵陽 水經清水注引地理志堵陽有堵水今無此文

雉衡山澧水所出東至郢入汝 郢當作鄖潁川縣也師古音屋誤矣

舞陰中陰山觀水所出東至蔡入汝 中陰誤說文作中陽蔡當作上蔡

穰 說文作郵

酈育水出西北南入漢 說文清或日出酈山西

安眾侯國 長沙定王子丹所封

隨厲鄉故厲國也 厲卽賴也左傳僖十五年齊師曹師



一三  
伐厲杜注厲楚與國義陽隨縣北有厲鄉桓十三年楚  
子使賴人追之杜注與伐厲同昭四年經云楚伐吳遂  
滅賴公羊作厲是古字通

魯陽魯山澁水所出 魯山誤說文澁水出堯山據水經  
注常有莽曰魯山四字

春陵侯國 長沙定王子買所封建武十八年更名章陵  
新都侯國 王莽所封南陽新野之都鄉也

紅陽侯國 王立所封

樂成侯國 許延壽所封表注平氏蓋析平氏置

博望侯國 許舜所封

復陽侯國 長沙頃王子延年所封

南郡高帝元年更爲臨江郡 臨江下郡字當作國項羽

封共敖爲臨江王

江陵秦拔我郢徙東 東當作陳頃襄王徙陳

秭歸歸鄉故歸國 國上當有子字

江夏郡下雉 南陽有雉故此加下

鍾武侯國 長沙頃王子度所封續志屬零陵永建三年

更名重安

廬江郡淮水出 淮當作漣水下當有所字說文漣水出

廬江入淮

潛 續志作潛古字通尙書江沱潛漢漢書作潛

松茲侯國 六安共王子霸所封

九江郡當塗侯國 魏不害所封

注禹所娶塗山侯國也 侯字衍

博鄉侯國 六安穆王子交所封

曲陽侯國 王根所封續志作西曲陽

山陽郡戶十七萬二千八百四十七口八十萬一千二百

八十八 案張敞傳云戶九萬三千口五十萬以上戶

口懸殊蓋孝平時戶口增行實數如此

南平陽 泰山有東平陽故此云南

成武 續志屬濟陰

湖陵禹貢浮于泗淮通于河 泗淮當作淮泗河當作荷

卽禹貢荷澤也

注章帝封東平王倉子爲湖陵侯更名湖陵 倉當作蒼

陵皆當作陸

單父 續志屬濟陰

薄 續志屬梁國

都關 閩本注君美二字未詳都有美義或是莽曰君美  
歟

城都侯國 王商所封

黃侯國 梁敬王子順所封

爰戚侯國 趙長年所封

郟成侯國 宋祁以爲邛成之譌王奉光所封大昭案說  
文邛邛地在濟陰縣濟陰與山陽其地相近郡國志濟

陰成武有郛城蓋國除之後并於成武而成武改屬濟  
陰故許叔重以爲濟陰地也宋說是

中鄉侯國 梁敬王子延年所封

平樂侯國 梁敬王子遷所封

淮水東北至沛入泗 淮當作泡水經注云泡水卽豐水  
之上原也沛當作沛說文泡水出山陽平樂東北入泗

鄭侯國 梁敬王子罷軍所封

蕭鄉侯國 梁敬王子就所封

栗鄉侯國 東平思王子護所封

曲鄉侯國 梁荒王子鳳所封

西陽侯國 東平思王子竝所封

濟陰郡禹貢荷澤在定陶東 湖陵但有荷水非澤所鍾  
故載於此禹貢之導荷澤正在定陶

成陽有堯家 成陽故屬梁爲陳太后湯沐邑元朔中有  
罪奪屬濟陰家當作豕鄭氏詩譜云昔帝堯嘗游成陽  
死而葬焉

禹貢雷澤在西北 據詩譜正義所引知此雷下脫夏字  
秣 說文作廐

沛郡廣戚侯國 楚孝王子勳所封續志屬彭城

下蔡 舊志屬九江

豐 郡國志豐有枌榆亭注引前志注枌榆社在縣東北  
十五里今無此文

公邱侯國 魯共王子順所封

敬邱侯國 魯共王子政所封

夏邱 續志屬下邳

汶侯國 趙敬肅王子周舍所封

莽曰有成 閩本作育成大略謂有育皆非也當作齊成

郟曰單城斬曰斬城皆其例矣

建成侯國 黃霸所封

城父 續志屬汝南

建平侯國 杜延年所封

鄆 當作郟說文鄆沛國縣蕭何封國

栗侯國 趙敬肅王子樂所封

扶陽侯國 韋賢所封

高侯國 梁敬王子舜所封

高柴侯國 梁敬王子發所封

平阿侯國 王譚所封續志屬九江

義成侯國 甘延壽所封居攝二年延壽孫遷更爲誅郅

支侯表中但云更名不言徙封則此當有莽曰誅郅支

五字續志屬九江

魏郡莽曰魏城 案城亦作成王莽傳有魏成大尹

館陶河水別出爲屯氏河東北至章武入海過郡四 案

溝洫志云河北決于館陶分爲屯氏河東北經魏郡清

河信都勃海入海所謂過郡四也



卽裴侯國 趙敬肅王子道所封侯表及說文竝作御裴  
邯會侯國 趙敬肅王子仁所封

平恩侯國 許廣漢所封水經注引陳畱風俗傳云平恩  
縣故館陶之別鄉地節三年置

邯溝侯國 趙頃王子偃所封

鉅鹿郡 王莽分鉅鹿爲和戎郡治下曲陽

象氏侯國 趙敬肅王子賀所封

鄴 說文作鄴南雍本閩本于師古曰音苦么反之下有  
又差臬反四字今脫

新市侯國 廣川繆王子吉所封續志屬中山國

莽曰市樂 水經注引作樂市

堂陽 續志屬安平國

安定侯國 燕刺王子賢所封

厯鄉侯國 廣川繆王子必勝所封

樂信侯國 廣川繆王子強所封

武陶侯國 廣川繆王子朝所封

柏鄉侯國 趙哀王子買所封

安鄉侯國 趙哀王子喜所封

常山郡元氏沮水首受中邱西山窮泉谷東至堂陽入黃

河 沮當作泚說文泚水在常山直尼切史記陳餘傳斬

陳餘泚水上徐廣曰在常山音蓮郭注山海經云泚水

出常山中邱縣

桑中侯國 趙頃王子廣漢所封

房子贊皇山石濟水所出 石字衍

封斯侯國 趙敬肅王胡傷所封

樂陽侯國 趙頃王子說所封

莽曰暢苗 本或作陽苗非也水經濁漳水注亦作暢苗

平臺侯國 史元所封

都鄉侯國 趙頃王子景所封

清河郡莽曰平河 平河水經淇水注作河平

清陽王都 代孝王孫義徙封清河故有王都志既言王

都當于郡下注云武帝元鼎四年別爲國宣帝地節四

年復故今無此注史闕文

東武城 定襄有武城故加東

靈莽曰播 水經注作播亭

鄒 功臣表俞侯呂它俞侯樂布竝作俞說文作鄒

懋題師古曰懋古莎字 三史拾遺曰案說文無懋字當是懋之譌說文懋心疑也讀若易旅瑣瑣莎與瑣音相近

東陽侯國 清河綱王子宏所封

信鄉侯國 清河綱王子豹所封表作新鄉古字通

涿郡涿桃水受首涑水 受首當作首受涑水一名巨馬

河水經巨馬河出代郡廣昌縣涑山東至東平舒縣入海注云卽涑水也亦曰渠水

南深澤 續志屬安平國

范陽莽曰順陰 順陰水經易水注作通順

蠡吾 趙廣漢傳涿郡蠡吾故屬河閒續志屬中山國

易 續志屬河閒

廣望侯國 中山靖王子忠所封

鄭 高陽 續志俱屬河閒

州鄉侯國 河閒獻王子禁所封

安平 續志屬安平

樊輿侯國 中山靖王子脩所封

成侯國 中山康王子喜所封

長鄉侯國 趙共王子交所封表作梁鄉占字通

利鄉侯國 中山頃王子安所封

臨鄉侯國 廣陽頃王子雲所封

益昌侯國 廣陽頃王子嬰所封

陽鄉侯國 廣陽頃王子發所封

西鄉侯國 廣陽頃王子容所封

饒陽 續志屬安平

中水 武垣 續志俱屬河間

阿武侯國 河間獻王子豫所封

高郭侯國 河間獻王子盭所封

新昌侯國 燕刺王子慶所封

勃海郡屬幽州 勃說文作郭續志改屬冀州

南皮莽曰迎河亭 水經注作逆河亭

定侯國 齊孝王子越所封

章武莽曰桓章 桓章據文義疑是章桓然水經注亦作

桓章

參戶侯國 河間熾王子免所封

成平庠池河民口徒駭河 民疑是或字之譌成平續志

屬河間

柳侯國 齊孝王子陽已所封

臨樂侯國 中山靖王子光所封

東平舒 續志屬河間

安次 續志屬廣陽

脩市侯國 清河綱王子寅所封

文安 續志屬河閒

景成侯國 河閒獻王子雍所封

東州 續志屬河閒

章鄉侯國 謝殷所封

蒲領侯國 清河綱王子祿所封

平原郡平原 有篤馬河東北入海五百六十里 入海下

一疑脫行字

鬲注讀與耿同 耿南雍本閩本竝作隔

平昌侯國 王無故所封 續志作西平昌

羽侯國 濟北式王子成所封



瑗 水經注作瑗

富平侯國 張安世初封之富平在陳畱其子延壽上書請減戶邑乃徙封平原國名如故未徙封之前是厭次縣地故東方朔平原厭次人也

莽曰樂安亭 水經注作安樂亭

合陽侯國 梁喜所封

樓虛侯國 嘗順所封水經注作楊墟

龍頤侯國 韓說所封

安侯國 濟北貞王子樂所封表作安陽疑陽當作煬是

其謚

千乘郡千乘 續志屬樂安國

有鐵官 案郡下已注有鐵官矣縣名下又書之疑衍文  
溼沃 縣以濕水所經得名今本作溼誤司馬彪魏收楮  
承其謬惟水經注作濕沃不誤

平安侯國 王舜所封表傳俱作安平疑誤外戚傳作平  
安

博昌 蓼城 樂安 續志皆屬樂安國

被陽侯國 齊孝王子燕所封

繁安侯國 齊孝王子忠所封

高宛 續志屬樂安國

濟南郡景帝二年為郡 二年當作三年

般陽 續志屬齊國

朝陽侯國 廣陵厲王子聖所封續志作東朝陽

狻侯國 趙敬肅王子起所封

注蔡暮音由音鷄 由當作日鷄當作鳩閩本不誤

宜成侯國 燕介所封

泰山郡汶水出萊毋西入濟 案萊蕪縣下亦載汶水較

此加詳則此八字是衍文

東平陽 山陽有南平陽故此云東

南武陽 東郡有東武陽故此云南

寧陽侯國 魯共王子恬所封續志屬東平

桃山侯國 城陽孝王子欽所封

莽曰哀魯 閩本哀作襄無魯字

桃鄉侯國 東平思王子宣所封

式 當作成績志作成云本國劉昭曰左傳衛師入郟杜  
預曰東平剛父縣西南有郟鄉

齊郡利 續志屬樂安

鉅定馬車瀆水 水經注云馬車瀆水今淄水

廣爲山濁水所出 水經注以濁水爲卽澗水

臨朐石膏山洋水所出 石膏山說文作高山水經巨洋  
水出朱虛縣太山北過臨朐縣東北入海注云太山郡  
東小太山也巨洋水卽國語所謂具水矣

北鄉侯國 苗川孝王子譚所封

平廣侯國 苗川懿王子行所封表作平度誤平度屬東

萊不言侯國

北海郡劇魁侯國 苗川懿王子黑所封賈逵曰川阜曰魁

瓠侯國 城陽頃王子息所封

益莽曰探陽 後漢書劉盆子傳注云王莽改北海益縣為探湯水經注作滌蕩益續志屬樂安

劇侯國 苗川懿王子錯所封

平望侯國 苗川懿王子賞所封水經注巨洋水東北逕望海臺伏琛晏謨以為平望亭在平壽縣故城西北八十里

平的侯國 苗川懿王子強所封

柳泉侯國 膠東戴王子強所封

壽光 續志屬樂安

樂望侯國 膠東戴王子光所封

饒侯國 膠東戴王子成所封表作成康侯饒下注北海  
北海無成縣是轉寫者倒其文耳

斟故國禹後 京相璠曰故斟尋國禹後是也後省入平  
壽今山東萊州府濰縣東廢斟城是

平城侯國 膠東頃王子邑所封

密鄉侯國 膠東頃王子林所封

羊石侯國 膠東頃王子回所封

樂都侯國 膠東頃王子訢所封

石鄉侯國 膠東頃王子理所封

上鄉侯國 膠東頃王子欲所封

新成侯國 膠東頃王子根所封

成鄉侯國 高密頃王子安所封

膠陽侯國 高密頃王子恁所封

東萊郡曲城陽邱山治水所出南至沂入海 沂字誤當

作計斤計斤琅邪縣

當利莽曰來萊亭 來字誤南雍本閩本皆作東

陽樂侯國 膠東頃王子獲所封表誤作樂陽

琅邪郡不其 續志屬東萊

贛榆 續志屬東海

朱虛 後漢永初元年屬北海

靈門壺山涪水所出東北入淮 水經注涪水出涪山世

謂之五平山淮字誤說文作漣下文橫下折泉下作淮

亦誤

虛水侯國 城陽頃王子禹所封

臨原侯國 甯川懿王子始昌所封

琅邪存四時祠 存當作有

祓侯國 城陽頃王子雲所封表作校形相似而誤

桓 續志屬北海

餅侯國 甯川靖王子成所封

零段侯國 城陽頃王子澤所封



黔陬 續志屬東萊

雲侯國 齊孝王子信所封

稻侯國 齊孝王子定所封

皋虞侯國 膠東康王子建所封

平昌 續志屬北海

長廣 續志屬東萊

橫故山久 久闕本作名

魏其侯國 膠東康王子昌所封

茲鄉侯國 城陽荒王子宏所封

箕侯國 城陽荒王子文所封

禹貢維水北至昌都入海 昌都當作都昌都昌北海縣

鄭康成注尚書云濰水出箕屋山與說文同

稗 說文作稗从禾

高廣侯國 城陽荒王子勳所封

高鄉侯國 城陽惠王子休所封

柔侯國 城陽荒王子山所封表作棗形相似而譌

卽來侯國 城陽荒王子俊所封

麗侯國 高密頃王子賜所封表作麗茲

武鄉侯國 高密頃王子慶所封

伊鄉侯國 城陽戴王子遷所封

新山侯國 稱忠所封

高陽侯國 薛宣所封

昆山侯國 城陽荒王子光所封

參封侯國 城陽戴王子嗣所封

折泉侯國 城陽荒王子根所封

博石侯國 城陽荒王子淵所封

房山侯國 城陽荒王子勇所封

慎鄉侯國 膠東頃王子共所封表作順陽慎順古字通

陽字疑表誤

駟望侯國 冷廣所封

安邱侯國 高密頃王子常所封

高陵侯國 莽曰蒲陸 翟方進所封蒲閭本作滿

臨安侯國 膠東共王子閔所封

石山侯國 城陽戴王子元所封

東海郡下邳 續志屬下邳國

良成侯國 魯安王子文德所封續志屬下邳

開陽莽曰厭虜 案莽改定襄之武要爲厭胡張掖之刪丹爲貫虜北地之靈武爲威戎亦此意續志屬琅邪

費 續志屬泰山

蘭祺侯國 魯安王子臨朝所封

海西 續志屬廣陵

繪 續志屬琅邪

南成侯國 城陽共王子貞所封屬太山

山鄉侯國 魯孝王子綰所封

建鄉侯國 魯頃王子康所封

卽邱 臨沂 續志俱屬琅邪

容邱侯國 魯安王子方山所封

祠水東南至下邳入泗 祠水水經注作桐水

東安侯國 魯孝王子強所封

承莽曰承治 闕本作承始

建陽侯國 魯孝王子咸所封後漢書劉永傳云建陽去

呂慮三十里

曲陽 司吾 續志俱屬下邳

于鄉侯國 泗水勤王子定所封

平曲侯國 廣陵厲王子曾所封是郡有兩平曲一郡中

不得重名以王莽改名推之似應作曲平然侯表竝不爾也攷史記表江陽侯蘇嘉索隱曰表在東海既云東海則非犍爲之江陽矣今本地理志東海無江陽小司馬所見當是古本不得有誤竊疑重出之平曲當是江陽也

都陽侯國 城陽戴王子音所封

陰平侯國 楚孝王子回所封

郿鄉侯國 楚思王子光所封

武陽侯國 史丹所封

新陽侯國 魯頃王子永所封

建陵侯國 魯孝王子遂所封

昌慮侯國 魯孝王子宏所封

郁平侯國 城陽荒王子邱所封

臨淮郡武帝元狩六年置 水經濟水注引此作五年

莽曰淮平 淮平下當有屬徐州三字

徐 取盧 淮浦 盱眙 僮 續志俱屬下邳國

射陽 續志屬廣陵

高山 續志屬下邳

鹽漬 續志屬廣陵

淮陰 淮陵 續志屬下邳

下相 沛國有相縣其水下流又因置縣故名下相也續

志屬下邳

東陽 續志屬廣陵

播旌 續志屬下邳

高平侯國 王逢時所封

開陵侯國 成婉所封

昌陽侯國 泗水戾王子霸所封

廣平侯國 廣陵孝王子德所封

蘭陽侯國 廣陵孝王子宜所封表作蘭陵

襄平侯國 廣陵厲王子豐所封

輿 堂邑 續志俱屬廣陵

樂陵侯國 史高所封

會稽郡秦置 始皇本紀二十五年降越君置會稽郡後



漢順帝分會稽之吳海鹽烏程餘杭毗陵丹徒曲阿由  
拳富春陽羨無錫婁置吳郡

毗陵江在北 江當作北江閩本有北字

山陰有靈文園 園上當有侯字

餘杭莽曰進陸 閩本作淮睦

治 光武更名章安

丹揚郡故障郡屬江都 案故鄣郡下當有景帝三年四  
字

宛陵清水西北至蕪湖入江 清當作泠說文泠水出丹

陽宛陵西北入江

黝 說文作黝

深陽 說文深水出丹陽深陽縣

豫章郡宜春南水東至新淦入湖漢 南水水經注作牽

水

安平侯國 長沙孝王子習所封後漢更名平都

桂陽郡臨武秦水東南至滇陽入匯 案說文漆水出桂

陽臨武入滙志中漆譌爲秦滙譌爲匯小顏不能攷正

輒音匯爲胡賄反失之矣

南平 說文淡水出杜陽南平西入營道水經深水出桂

陽廬聚西北過零陵營道縣南又西北過營浦縣南又

西北過泉陵縣西北七里至燕室邪入于湘

陽山侯國 長沙孝王子宗所封

陰山侯國 志中惟此侯不得其人以實之

武陵郡臨沅 莽曰監沅 元當作沅

佷山 續志屬南郡

充歷山 澧水所出東至下雋入沅 案澧當作醴此與出  
南陽雒縣衡山東入汝之澧水不同

零陵郡都梁侯國 長沙定王子定所封

泉陵侯國 長沙定王子賢所封

鍾武 後漢永建三年更名重安

漢中郡南鄭旱山池水所出 池水水經注作潯水

安陽鬻谷水出西南北入漢 段玉裁曰此雖不系之禹

貢然據鄭注梁州沱潛云地理志在今蜀郡郫縣及漢

中安陽皆有沱水潛水其尾入江漢則志述禹貢作潛  
此安陽下作鬻實一物也

廣漢郡雒南至新都谷入湔 谷字衍

甸氏道 續志甸氏道剛氏道俱屬廣漢屬國

蜀郡青衣 後漢西南夷傳云祚都夷武帝所開元鼎六  
年以爲沈黎郡天漢四年并蜀爲西部置兩都尉一居  
旄牛主徼外夷一居青衣主漢人據此則青衣旄牛二  
縣皆當有都尉治句

成都有工官 案成都廣漢之工官皆治金銀器貢禹傳  
蜀漢主金銀器歲各用五百萬

巖道有木官 文選蜀都賦注引此作有橘官



得而知矣

收靡南山臘涂水而出 收說文涂字注作牧隸釋益州  
太守碑作牧靡者二是收字誤也臘字下脫谷字水經  
注涂水導原臘谷

牂柯郡營東入沅 據水經注沅當作延

夜郎莽曰同亭 案西南夷傳夜郎國有且同亭故莽謂  
之同亭

巴郡墊江 說文作裝江

胸忍 續漢書郡國志及曹全碑竝作胸忍顏籀音胸爲  
勑是也 閩駟十三州志乃云胸音春 臆音閏其地下溼  
多胸臆蟲因以名縣既有春音則字已近于胸矣然玉

篇中尙無胸字杜佑通典州郡門作胸脰胸音如順切  
脰音如尹切讀如用蝨君卿雖從鬪音而字猶未變至  
徐鉉校定說文解字竟于肉部附入胸脰二字亦可謂  
不攷舊章好信異說者矣

容毋水所出南有橘官 據水經注南下當有入江二字  
魚復江關都尉治 華陽國志云巴楚相攻故置江關舊  
在赤甲城後移在江州南岸對白帝城

漢書辨疑卷十四終